


Pastorais Jonck









GALLICA ARMA  
Contra calumnias asserata  
& ostensa

Europæ salutaria esse.

---

Anno CIO IOC XLVIII.

GALLICA ARMA

Contra columnas astrictas

& ostentia

Europae salutaria esse.

50890  
Anno 1700 XLVIII.







Rodiit nuper libellus,  
cui titulus Bibliotheca Gal-  
lo-Suecica, in utramque gen-  
tem injurius, malignus, & ul-  
tra Satyræ legem mordax ac  
maledicus. Ut est libido in-  
genijs humili ( ut Poëta in-  
quit) læsisse veneno, summa. De hujus vindi-  
candis, viderit quicunque hanc curam ad se pu-  
tabit pertinere. Ego Gallici nominis studio-  
sus, calamum arripio, & scriptum hoc oppono.  
Non certè ut respondeam ad calumnias, hoc e-  
nim & supervacuum est innocentia, & indignum  
magnitudini. Sed ut ostendam arma Gallica bo-  
no Europæ sumpta, non posse nisi ejus magno  
commodo deponi. Istud verò fiet non pactione  
ulla, quæ nempe relinqueret ignes, suppositos ci-  
neri doloso, in majorem mox surrecturos flam-  
mam, sed vera, solida, sine exceptione victoria.  
Hæc dissidia publica Principum compescet, hæc  
hereses tollet, hæc pacato orbe Christiano Turcis  
formidabilem & fortè fatalem vim inferet. Tria  
ista præstitum iri, paucis ostendam.



Atque imprimis cum viro clarissimo Justo Lipsio sic verissime sentio. Monarchiam aliquam utilem omnino orbi Christiano fore, qua nempe (ut Claudianus ait) cuncti gens una simus, eodem imperio, iisdem legibus gubernata, lingua sermoneque communi sociata, calamitatum vero belli aut omnino expers, aut certe vix quidquam sentiens. Idque optandum patet exemplo Romanæ dominationis. Qua florente (Plinij verbis) sparsa imperia congregata, tot populorum discordes ferèq; linguæ, unius (Latini nempe) sermonis commercio, ad mutua colloquia contractæ, & hoc ipso humanitas hominibus reddita, breviterque una cunctarum gentium in toto orbe patria facta. Quin non patria solum, sed penè una civitas, cum postmodum constitutione Antonini, quotquot in orbe Romano fuere, cives Romani effecti sunt. Præterea, ut Aristides inquit, adeò pax alta fuit, ut bella vix unquam crederentur esse, ac pro commentis & fabulis à plerisque haberentur. Urbium verò unum certamen esset, ut earum quoque pulcherrima appareret. Immo nec urbes solum splenderent, sed tota adeo terra horti instar ac paradisi exulta cerneretur.

Hæc & multa alia veterum consensu de Romano imperio prodita, multum profectò commendant Monarchiam, ejusque uberes fructus ac affectus



aus ostendunt. Porro quemadmodum universitas ista rerum, ideo tranquilliter & stato ordine decurrit, quia uni Deo pareat, ita & gentes moderatius regerentur, subditæ unius Monarchæ imperio.

Sed nempe ille idem Lipsius hoc certe non satis vidit, neque per dioptram prospexit accurate, cum hanc Monarchiam quodammodo promittit prædicitque Hispaniæ. In libris enim de Constantia, dum regnorum mutationes eleganter per congeriem exemplorum percurrit. Adeste etiam (inquit) pelliti vos Scythæ, (Turcas intelligit) & potenti manu paulisper habenas temperate Asiæ atque Europæ. Sed isti ipsi mox discedite & sceptrum relinquite illi ad Oceanum genti. Fallor enim? an solem nescio quem novi Imperij surgentem video ab Occidente. Hæc de Hispanis dici, clarius est, quam ut ostendam. Prudentiam verò quodammodo divinationem esse, dixit in vita Attici Cornel. Nepos. Quem non prudentem, sed divinum vocat. Et profectò certior est hæc ex iudicio profecta divinatio, quam sint illæ divinæ, (ut Manilius vocat) artes.

————— & conscia fati  
Sidera, diversos hominum variantia casus.  
Ex similitudine enim rerum & eventuum certius prædicere potest, quam Mathematici omnes,



quod genus hominum potentibus infidum, sperantibus fallax, dicit alibi Tacitus. Sed vir alioqui non eruditionis tantum, sed (quod in istis rarum est) prudentiæ etiam magnæ hic non satis iudicavit, immo & *anxiæ* apertam commisit. Hoc enim firmiter assero Hispanos totamque Austriacam potentiam quantumvis amplam, longe tamen semper à spe occupandi Imperij & Monarchiæ stabiliendæ abfuisse. Causas sententiæ meæ habeo istas. Primo obfuit illi divisa domus & in plures principes partita. Vnde non poterant ita coalescere vires ejus atque conjungi, ut unam efficerent indivisamque potentiam. Nam tritum illud est, & usu exemplisque cognitum, nec tædas nec regna socium pati, & cupidinem dominandi cunctis affectibus flagrantiorē esse: & ex Evangelio omne Regnum in se divisum, non modo non formidabile alijs fore, sed etiam suapte desolandum.

Altera causa est, ex divulso & per orbem disperso imperio, quod & defendi nisi magno labore impendioque, & succurrere sibi invicem non posset, & denique hinc inde bellorum causas præberet, ubique hostibus, vel infidis socijs expositum. Quam aliter in Romano Imperio? Ubi, ut Tacitus inquit, provinciæ, legiones, classes, omnia juncta inter se & connexa Mediterraneo mari,



mari, velut balthæo medium dividente & constringente simul.

Tertio quod præse ferret nimium Catholicæ Religionis studium, stabiliendo quidem, (ut nostra Gallorum est opinio) potissimum imperio. Et veteri illa arte à Philippo Macedone mutuata, qui item specie tuitionis Sacrorum, Delphicum scilicet templum spoliatum à Phocensibus vindicans, totam Græciam occupavit. Sed quocunque id animo, non tamen satis provido consultoque. Nam hoc ipso orbis Christiani maxima, parte varia hæresi infecti odium acerrimum sibi conciliavit, plurimosque inde comparavit hostes.

Quarta causa, quod potentiam maritimam haberet exiguam. Nam & in Mediterraneo mari Turcica prævalebat potentia, & Veneti ibidem usurpabant Adriatici sinus dominium. Et à Gallico littore habebat obstaculum ingens. In Oceano autem Germanico post amissam Bataviam, vix aliquot, eosque ignobiles portus retinuit. Et ad Balthicum mare nullum prorsus. Quæ res profectò multum illis offecit conatibusque illorum obfuit potissimum.

Accedit causa ultima ex pertinacia nempe à nimio fastu Hispanico orta, omnia retinere quoquomodo volentium, & indignum sua magnitudine

dine reputantium aliquid semel possessum amittere, neque id decere

Hispanos rerum dominos gentemque  
Quæ ( ut Claudiani verbis utar )

Nunquam succubuit damnis, & territa nullo  
Vulnere.

Unde pervicaci arrogancia Batavos tot conatibus oppugnare, & in re difficili, atque operæpretium non rependente, contrivere vires, quibus Orbi graves esse potuerunt; Certè Galliæ nostræ plurimum: Quæ tum temporis ex dissidio religionis & factione Principum civilibus armis flagrans, quam prona & præceps fuit ad occasum? His ergo alijsque de causis apparet Austriacos nunquam potuisse Monarchiam consequi & obtinere, vanamque fuisse prædictionem & *μάρτυρ* illam Lipsij, & eventu non comprobata. Sed venia sit viro magno. quantumvis enim accuratè prælagiat mens nostra, penetrare tamen adyta illa fati non potest, quia ( ait Lyricus )

Prudens futuri temporis exitum.

Caliginosa nocte premit Deus.

Attamen si omnia rectè expendimus, agnoscamus facile nostræ, nostræ potius Galliæ decus istud olim à Carolo Magno feliciter partum, & bonum orbis Christiano obtentum, iterum post octo fere seculorum intercapedinem fatis videri destina-



stinatum, & ut nunc sunt rerum successus, certo illi promittendum. Etenim si vires, si incrementa potentiae, si tam late prolatis bello regni fines, si foedera prudenter sancita & constanter retenta. Si denique quamvis aetate Regis immatura stabile ac firmum Imperium, excisas factionum stirpes ac radices, & loco omnium fortunam faventem expendas: ad fatearis necesse est, aut nunquam aut certe nunc solida fundamenta novae alicujus magnitudinis jacta esse. Moderamur ecce armis consiliisque cuncta. Belli pacisque arbitrium in nostra habemus potestate. Quas gentes quiescere, quas inter se collidi Galliae expedit, eas vel pacatas esse patimur, vel ad arma concitamus. Europa denique pendet sollicita à nutu nostro, & Principes ac populi propè omnes fortunam propitiam aut adversam, prout de nobis meruerint expectant metuuntque. Daniae Regulus dum nos majore omnino animo, quam consilio ad paciscendum vel invitos adigere parat, tantae arrogantiae meritas poenas dedit. Batavorum Respub. foederatumque Belgium, quamvis magnis de causis ad pacem Hispanicam alliceretur, quamvis expedire illi hoc velut vallo & aggere Hispanicae dominationis à nostra Gallia lecerni, multis argumentis evincerent, cessit tamen commodis nostris, & in occupandis Flandriae portu-

B

bus,

bus, velut stipendiariam navavit nobis operam. Veneti nescio quid conatibus nostris in Italia obfuturi, belligerare cum minime sperarent, coacti sunt. Quid de reliqua Italia dicam? Gens in tot minutos dynastas scissa, sibi que mutuo infida ac inimica inter Gallicam & Hispanicam potentiam pridem huc illuc nutans, dum hequit in unum foedus coalescere, dum ad partes Austriacas adeo accisas transire intutum reputat, iussa nostra audiat, necesse est. Sit que cervice parata ferre iugum. Germania partim nobis adharet ex foedere, & famulatur felicitati nostrae, partim Austriacis conjuncta, graues poenas luit foederis inconsulti, & interim tota, hinc nostris, inde Svecicis armis, velut vineta & constricta tenetur, extra omne arbitrium sui, finem que tam longi & atrocis belli habere nequit, nisi ultro a nobis concessum. Svecia quanquam pollens potens que, revera tamen non sibi, sed nobis potius & pugnat & vincit. Distrahit nempe vires hostium, & hoc ipso secundat nostris incrementis. Quam nos interim patetis illigatam, quin etiam largitiuncula & publice, & multo magis privatim concessa, firmiter in societate belli, quoad usque necesse erit, detinebimus. Sed & Anglia etiam veteri odio nobis semper infensa atque inimica, progressibus que nostris, certissimum obicem positura, commodo  
Galliae,



Galliæ, bello civili nunc ardet, & tanquam nostra factione, se perimit sua sponte. Quod si Hibernia Catholica nostram opem contra Anglos invocaverit & se potestati nostræ permiserit, agnoscent Britannicæ insulæ, non aliud discordantis patriæ remedium esse, quam ut externæ gentis imperio gubernentur. Hostes verò nostri Hispanus nempe inprimis, eo jam redactus est, ut non solum vana & ridicula spe Monarchiæ se penitus excidisse sentiat, sed de ipsa Hispania retinenda laboret, cum hinc Catalonia nostri jam juris sit, inde Portugallia socia & necessario fœdere conjuncta. Videt miser fatiscentis Imperij clara & aperta initia, & maximæ Victoriæ loco habet, si aliquid tueri possit ac defendere: & nostras manus

opimus

Fallere & effugere est triumphus.

Cæsar vero (seu potius Rex Hungariæ, idque non optimo jure) precariam pacem jampridem flagitat, concedens omnia, quæ hætenus in Germania occupavimus. Sed frustra. Quod enim olim Alexander Dario, merito & nos possumus reponere: Illum nempe nostra & à nobis possessa largiri. Hæc adeo prospera ac fausta Galliæ, quid sunt, nisi certissima omnia Imperij? quod apertè struit fortuna, promittitque misertus tandem tot

Europæ calamitatum Deus. Ergo habebimus Monarchiam potentem, validam, stabilem, quæ vinculum sit rerum, & Christianæ Reipub. firmentum. Et quæ (ut ostendere promisi) præstabit ista.

Imprimis Inter Principes pacem & concordiam. Hactenus enim dissidiorum præcipua causa fuere tot Reguli, tot respublicæ, tot dynastiæ, exigua omnes, & ferè æquali potentia, quæ, vel inter pares æmulationem, vel quovis vicini successu, mutuum mærum faciebant. Inde vero secutæ artes, astus, occultæ atque subdolæ machinationes. Inde odia, offensæ, & tam acres inimicitæ. Inde denique bella hæc continua, quorum nullus apparet exitus, cum novis semper de causis nova oriantur,

Nec ceptus unquam cedat ex animis furor,  
Sed arma felix teneat, infelix pareat.

Unicum autem remedium erit, potens rerum, & orbis arbitra magnitudo Imperij nostri. Hæc coercebit facile tam effusam bellandi libidinem, hæc morem barbarum, immo ferinum tollet, per vim nempe tantum jus suum repetendi, hæc denique belli loco iudicium substituet. Cum enim (ut tritum illud adferam Ciceronis) duo sint genera decertandi, unum per Disceptionem, alterum per Vim, ad posterius confugiendum non erit ne-



rit necesse, si priore uti licebit. Licebit autem, dum supra omnes eminebit potens nostra Monarchia, quæ suo arbitratu lites Principum ac civitatum componet, & metu in officio continebit. Tunc

— — — — — non furor  
Civilis, aut vis eximet otium,  
Non ira, quæ procudit enses,  
Et miseras inimicat Urbes.

Præcipue verò in Italia & Germania, isti qui nunc supremi dominij usurpatione superbiunt, mitius agere jubebuntur. Dum nos eorum inimicitias ac odia compescemus, Romanorum exemplo, cunctas orbis gentes ac nationes, imperio suo olim temperantium, quas quidem prius aut in societatem acceperant, aut redegerant in provinciam.

Jam alter effectus sequitur, non minus utilis. Suppressio nempe hæresium, & pax Ecclesiæ restituenda. Certè schismata præcipuè licentia fovet, illa verò inter æquales tantum est, & nulla realia, quam potestate ac imperio coercetur. Miratus quondam est orbis, se fuisse Arrianum. Ego vero hoc miror magis, quomodo esse desierit. Natura namque humana præcepta ad malum, & ab errore, præsertim recepto jam & com-

muni, difficulter repetit derelictam veritatem. Ita-  
que non alia causa resipiscentiæ hujus assignari  
potest, nisi potestas magni Imperij, quæ sola hanc  
hæresin, aliasque propè omnes sustulit, & schi-  
smata semper prohibuit. Idem nunc quoque  
promittendum Europæ à simili causa, id est, no-  
va Monarchia, quæ seculari (ut vulgo loquimur)  
& auctoritate & potentia pruritum hunc, atque  
lascivientem ingeniorum luxuriam ex merito ca-  
stigabit, poenisque mulctabit externis, quæ nem-  
pe corpus fortunasque tangunt, cum Ecclesiasti-  
cæ illæ non sufficiant, & contemptui ludibrioque  
sint, neque hætenus coerceri aut puniri citra re-  
bellionis periculum potuere. Cum nempe Re-  
ges ac Principes aut non illâ potentiâ essent, quâ  
insaniam hanc reprimerent, aut eadem infecti, se-  
querentur subditum populum, qui illis & in res  
divinas permittebat regimen, & bona Ecclesiæ sa-  
crata ultro concedebat. Jam verò Imperio po-  
tenti, idque Catholico stabilito, & coercitio, & pœ-  
na facilis erit, hæresesque cessabunt ac extirpabun-  
tur, quibus omnia Europæ mala meritò debent  
imputari. O vel hoc solo optandam, omniumque  
bonorum communibus votis expetendam, ex de-  
victis Europæ populis, victoriam nostram!

Quam tamen insuper & tertia causa commen-  
dat, nempe Turcicæ potentiæ hinc sequutura e-  
versio




versio, imperijque gravis ac detestandi casus ac  
ruina. Crevit damnis cladibusque nostris bar-  
barum hoc regnum. Erepta nobis sunt omnia,  
quibus impunè fruitur, & pacate ac tranquille  
agit, dum nos mutuo dissidemus internecinis bel-  
lis, atterimusque vires facilè illi formidandas


Heu quantum terræ potuit pelagique parari  
Hoc, quem civiles hauserunt sanguine dextræ!  
Nec tamen hucusque spes est ulla communibus  
aut conjunctis viribus illud expugnandi. Toties  
enim susceptæ sacræ (ut vocabantur) expeditio-  
nes, fidem faciunt irriti conatus, dum nempe  
quantumvis potens & copiosus exercitus multo-  
rum ducum divisò ac discordi plerumque impe-  
rio, studijsque variè distractus nihil præstare po-  
tuit, & ferè infectis rebus discessit, magno ludi-  
brio ac probro nominis Christiani. Sola igitur,  
aut nulla alia ratio superest, unum nempe & po-  
tens aliquod Imperium, quo constituto Asiatici  
isti & molles, jamque delicijs fracti homines, fa-  
cilè succumbent.

Nec plura addam, vel ad commendationem  
vel necessitatem Monarchiæ. Hoc tantum: ne  
spes illius tam certa, tam rata, pacis alicujus in-  
terventu evanescat. Caveat Gallia errorem tam  
supinum; neque moveatur vocibus, illam hac  
causa

causa accusantium. Minus est (ut ille dicebat)  
audire malè, cum facias benè. Et. Omne ma-  
gnum exemplum (inquit alter) habet aliquid ex  
iniquo, quod adversus singulos, utilitate publi-  
ca rependitur. Instet igitur fortunæ suæ, & hunc  
felicissimum rerum successum non prævertat, aut  
sistat ulla pactione. Victoria expectetur, quæ  
sola subactis gentibus veram pacem adferet,  
& Europam tot calamitatibus affli-  
ctam sublevabit.









Biblioteka Jagiellońska



stdr0003073

